

元始无量度人上品妙經卷之六十一

永斷輪轉品

道言昔於始青天中大浮洞歌玄明黎土受元始度人永斷輪轉無量上品元始天尊當說是經周迴十過以召十方始當詣座天真大神上聖高尊妙行真人無鞅數眾乘空而來玉馬雲輅彩霞流霓丹輿彤轂陣夢飛香三景蔚清合映太空七日七夜諸天日有龍文月呈寶字星樓鶴觀宿舍機躔一時停輪龍風兼雨鳳氣成山天無浮翳四象高明一國地土山川林木緬平一等無復高下土軟紫金外涵水火淨瑩交徹無有異色眾真侍座元始天尊玄坐空浮無色海光之上金山不動瑞相儼

道藏輯要

度人妙經

卷

元集五

×6011

如說經一遍諸天大聖同時稱善是時一國男女見道真形厭捨生死說經二遍覺悟三業猶彼火聚說經三遍觀身穢壞願證法體說經四遍悲憫三界轉覆如輪說經五遍世間妄見回念正道說經六遍道可飛神不染羸惡說經七遍自知宿命不貴通靈說經八遍住此真常永斷輪轉說經九遍壽過天地得真長生說經十遍證位昇玄永無生化是時一國是男是女莫不傾心皆受護度咸得長生

道言是時元始天尊說經一遍東方無極無量品多聞大神無鞅之眾浮空而至說經二遍南方無極無量品多目大神無鞅之眾浮空而至說經三遍西方無極無量品堅住大神無鞅之

眾浮空而至說經四遍北方無極無量品定海大神無鞅之眾
浮空而至說經五遍東北無極無量品神用大神無鞅之眾浮
空而至說經六遍東南無極無量品權化大神無鞅之眾浮空
而至說經七遍西南無極無量品道聰大神無鞅之眾浮空而
至說經八遍西北無極無量品玄藏大神無鞅之眾浮空而至
說經九遍上方無極無量品永生大神無鞅之眾浮空而至說
經十遍下方無極無量品息化大神無鞅之眾浮空而至十遍
周竟十方無極天真大神一時同至一國男女傾心歸仰於所
住天所居宮殿咸見元始升座威儀說經演法無量十方光明
照見宮殿赫如朝日各相謂言我等位證諸天未出輪轉壽過
道藏輯要

度人妙經

卷之五
X X X

五劫未免生死身相光明未免衰滅今聞天尊欲說大法永斷
輪轉始得開悟入真法門出生死網來者有如細雨密霧無鞅
之眾進國一半土皆偏陷非可禁止於是元始振衣凭几頂出
大明普照十方世界無極仙真國土一一國中見諸仙王將引
臣從來赴法席又見諸天各持奇華異果玉芝仙草以爲供養
有諸仙王居大宮殿而修仙業領理天政心厭欲樂或奔采光
華嚙味真景勸教諸真種種妙事會中天人心知目矚不敢陳
議元始徐啓雷音遍告大眾欲免生死不入流浪先當無心爾
若無心卽無三業眾生迷妄指識爲心分別有無計度生死心
本妄名以妄取名心則虛幻覺了能知本是道元何關心事認

心著境卽住生死若無安心不住生死卽永斷輪轉乃至諸大天仙高真帝王以無心故證位聖真自然得道依心取舍趣死趣生終非究竟乃至服氣鍊化餌藥延年並爲小乘功用感應皆非解脫昇入無形之道爾若不爲心所遷易隨念用情心迹兩忘卽見道體永斷輪轉不住生死與我今者在此無色海光說如是法若以有心則一切護法天人龍鬼悉各遠離不應來此頂禮欽奉故知無心是道真形是無等法則身所行事十聖莫知口所出言是天帝勅心若計度則魔精來附終歸惡道元始忽從海光混入無色太玄空中懸一寶珠大如黍米在太虛之中去地千丈元始登引天真大神上聖高尊妙行真人十方道藏輯要

度人妙經

卷五

無極大道威神無鞅數眾俱入寶珠之中天人仰看惟見拂拂從珠口中入旣入珠口不知所在國人廓散地還平正無復欹陷元始卽於寶珠之內說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得開悟玄默虛明不著空見領土歸仰咸行善心不殺不害不嫉不妬不淫不盜不貪不欲不憎不妬言無華綺口無惡聲齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是眞王內諱百靈之隱名也非世之常辭上聖已成眞人通玄

究微能悉其章誦之十過諸天遙唱萬帝設禮雲煙靜默海嶽
深靈二象澄廓三景輝明一切有情心契真道永斷生死輪轉
休停至學之士誦之十過則五帝侍衛三界稽首魔精喪眼鬼
祇滅爽神飛形固遂其永生所以爾者學士穢氣未消體未洞
真召制十方威未制天政德可伏御地祇束縛魔靈但濟兆身
而已不能普度羣靈輕誦此章身則被殃供養尊禮門戶興隆
世世昌熾與善因緣萬災不干神明護門斯經尊妙獨步玉京
度人無量爲萬道之宗巍巍大範德難可勝

道言凡誦是經十過諸天齊到三界停輪兆得至真明曉生根
不著有無不滯亡存若有大物爲生死門兆無物和混洞不分

道藏輯要

度人妙經

全

元集五
八十二

永斷輪轉與道杳冥億曾萬祖幽魂苦爽皆卽受度上昇朱宮
格皆九年受化更生得爲貴人而好學至經功滿德就復歸無
名出離陰陽無犯剋并不屬生死永斷輪轉變化不化更生不
生與道合體皆得神仙飛昇金闕遊宴玉京也上學之士修誦
是經皆卽受度飛昇南宮世人受誦則延壽長年廓爾得悟玄
解之道神識不昧應物無窮卽得運形遊觀太冥此經微妙普
度含靈一切天人莫不受慶無量之福生死蒙惠上天所寶不
傳下世至士齋金寶效心盟天而傳輕泄漏慢殃及九祖長役
考官侍經五帝王童玉女各二十四人營衛神文保護受經者
身

道言正月長齋誦詠是經契道真極止息生機於諸天中無去
來因不住滅定得大乘門爲上世亡魂斷地速役度上南宮七
月長齋誦詠是經惡心消解仇對和平不爲人緣往返相因寓
形黜明元精天成不死不生身得神仙諸天書名黃錄白簡削
死上生十月長齋誦詠是經不住永滅不欣長存乘物以遊爲
光爲塵示兆大慈無量度人出教演法寶書天經爲國王帝主
君臣父子安鎮國祚保天長存世世不絕常爲人君安鎮其方
民稱太平八節之日誦詠是經挺然獨觀八風無傾兆出死生
駕馭瓊輪得爲九宮真人本命之日誦詠是經真氣虧盈不亡
不存永斷輪轉逍遙妙庭魂神澄正萬氣長存不經苦惱身有
道藏輯要

度人妙經

卷

九集五
X X 上

光明三界侍衛五帝司迎萬神朝禮名書上天功滿德就飛昇
上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐黃綠青赤
蒼黑碧紫白九色雲氣之中內外蒼冥有青龍白虎朱雀玄
武獅子白鶴羅列左右頭上有无无上眞道君頂七曜交泰
寶冠面若瓊瑤方瞳素髯威耀光明身被綠霞絳章飛裙手
執神劍斷生死魔三天殺鬼乘紫素雲住立巖然身長九尺
上應九眞日月照明洞煥室內項生三氣圓象光映十方如
此分明密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啓所言今
日吉慶長齋清堂修行至經無量度人願所啓上徹徑御
無上三十二天元始上帝至尊几前畢

引炁三十二過東向誦經

道藏輯要

度人妙經

叁

亢集五

105

元始無量度人上品妙經

元始洞玄靈寶本章永斷輪轉周迴度人洞真隱奧緣起自然
赤混靈根空無化成太虛朗徹肇生諸天流演三氣大機彌綸
中有虛皇是爲我身玄文散落普育萬靈赤景爲陽黃華爲陰
圓光森列羅布諸星太一紫房瑤簡綠編啓運元造玄中之玄
圓羅大梵靈闕瓊宮下包黃氣洞淵綱維眇眇蕩蕩六闢九開
招靈化人體備百關神變無方與道俱隆顧盼八垣端居玉京
中有玄極至道之尊中有主生象帝之君中有開天龍躋大神
中有九皇天真丈人中有把握元紀幹運機紐至妙尊神生成
二象無量度人普告一切悟道之元永斷輪轉得爲種民今日

道藏輯要

度人妙經

卷

亢集五

校錄諸天臨軒

東方無極清信神王長生大聖無量度人
南方無極明感神王長生大聖無量度人
西方無極堅立神王長生大聖無量度人
北方無極海空神王長生大聖無量度人
東北無極聖仙神王長生大聖無量度人
東南無極妙慧神王長生大聖無量度人
西南無極定常神王長生大聖無量度人
西北無極證真神王長生大聖無量度人
上方無極無影神王長生大聖無量度人

下方無極不迴神王長生大聖無量度人

十方至真飛天神王永斷輪轉無量大神並乘瓊光綠雲八景
珎與丹霞玉輦驂駕碧鳳九色神龍建交真之節素虎靈幡前
按九章齊奏後吹六竿同鳴青鸞白鵠和鳴囉囉九靈控飊七
眞乘煙謠歌步虛浮空而來傾光迴駕召生命仙南昌上宰總
御朱宮韓司主錄堅固大神執錄把籍齊到帝前隨所應度嚴
校諸天普告三界無極神鄉泉曲之府北都羅酆三官九府十
二河源守識本眞悟見自然無有生死不著變遷道無去來形
爲寶山智火鍊之金光玉混比之晝夜日月常懸往還非妄眇
眇綿綿法體虛明象外眞仙永斷輪轉昇入太玄上解祖考億
道藏輯要

度人妙經

卷

元集五

劫種親疾除罪簿落滅惡根不得拘留逼合鬼羣元始符命時
刻昇遷北都寒池部衛形魂制魔保舉度品南宮死魂受鍊仙
化成人生身受度劫劫長存永斷輪轉先天無年永度三途五
苦八難超凌三界逍遙上清上清之天天帝洞光無色之境梵
行

東方八天

玉娑平海天

帝豪眞秉符

驕災祥備天

帝思順孝猷

雲碣龍磧天

帝景命混圖

驪性希矇天

帝齊邱緣符

鎮相流誓天

帝古威罕常

嶽樊膏汀天

帝兆籍監王

凝仙鹿觀天

帝幾道元光

斗浦玄司天

帝蕩淵慈宜

南方八天

嶠鱗飛機天

帝廓洞自幽

洞災赤圭天

帝息覺除營

陽祁正父天

帝杳晶皓黃

金律整靈天

帝弼由肅沙

烏稷無變天

帝密覩思微

道藏輯要

度人妙經

元集五

神歸合明天

帝蹈靈防离

太元機省天

帝擇全施虔

校錄定真天

帝育韓籌冥

西方八天

明玄聖皇天

帝直義伯鑾

曲生司世天

帝幽都仙

總梵極元天

帝閭騎遐非

玄化典法天

帝祖定延眞

刑籍眞算天

帝長靈度耽

華晶慶霄天

帝玉誕昌

妙真德女天

帝九濟道戶

列星交微天

帝應大法謠

北方八天

孕魂敗白天

帝遷洞伏機

卵化液流天

帝遵鑒眷雷

溫胞育陽天

帝洞混光臨

媾玉中華天

帝括保命生

池陰鎖神天

帝師火交候

太極抱愛天

帝道真欲化

諱津人山天

帝敵利寶龜

道藏輯要

度人妙經

卷之三

九集五

丹精朱闕天

帝妙華玉剛

三十二天三十二帝諸天隱諱諸天隱名天中空洞自然靈章
諸天隱韻元始之音無形之尊不轉之神超象真魔斷妄之靈
和合出流脫離化源永住諸輪變化上清無量之奧深不可詳
敷落神真無三界因今日欣慶受度歷關諸天請滅三惡斬絕
地根永淨六染名列太玄真王監觀無拘天門東斗發生西斗
義成北斗存道南斗降靈中斗運神九老三真青帝巧量白帝
堅登赤帝通化黑帝淵清黃帝中極指呼萬神青天魔王以文
定名赤天魔王知識散精白天魔王罪惡司刑黑天魔王智用
乃分黃天魔王大宗非聲五帝大魔生死元雄飛行鼓從總領

威兵麾幢鼓節遊觀太空軍騎赫奕佐天舉功永斷輪轉嚴攝
北酆神功受命普掃不祥八威吐毒猛馬四張天丁把斧大帥
持旛擲火燎焚流鈴四揚敢有干試拒遏上真金鉞前衝巨劍
後刑屠割鬼爽風火無停千千截首萬萬剪形魔無干犯鬼無
祇精三官北酆明檢鬼營不得容隱金馬驛呈普告無窮萬神
咸聽三界五帝列言上清

元洞已迹紹歷龍康眇眇億劫輪轉無常劫終劫始太空難量
恍漫不期混沌之中上無無色下無無淵風轉九虛金景定天
天上天下無幽無冥無形無影無極無窮溟濶大梵遼廓無光
不名生死無有去來三界輪轉皇道流行六氣變化忽合忽離

道藏輯要

度人妙經

卷

五

九集五

神依靈寶永固精根赤明開圖運度自然元始安鎮敷落五篇
赤書玉字八威龍文保制劫運使天長存梵炁彌羅萬範開張
元綱流演三十二天輪轉無色周迴十方旋斗歷箕迴度五常
三十五分總氣上玄八景冥合氣入玄玄中太皇上帝高真
泛景太霞嘯詠洞章金真明郁流響雲營玉音攝氣靈風聚煙
紫虛鬱秀輔翼萬仙千和萬合自然成眞眞中有神神無方體
道寓姓名乃號南極太微長生大君無英青華白元素眞太一
始生司命算程桃康合延致兆有生生爲死本輪轉不停道初
無爲豈毀豈成是爲仙眞養教種人執符把籙保命生根上遊
上清出入華房八冥之內細微之中下鎮人身泥丸絳宮中理

五氣混合百神十轉迴靈萬氣齊仙仙道貴生無量度人上開
八門飛天法輪罪福禁戒宿命因緣普受開度死魂生身身得
受生永不輪轉上聞諸天諸天之上各有真靈中有空洞謠歌
之章真王靈篇辭參高真

第一欲界飛空之音

天道朗朗

鬼道蒙蒙

人道杳杳

沈滯輪回

仙道樂兮

大虛爲家

男女相牽纏

我界居其多

聲色昧靈府

頑空張網羅

濁海流巨浪

塵山鬱差我

但能錄其惡

安能遏其邪

遇我虛皇尊

道藏輯要

度人妙經

卷

九集五
川文也

演此大洞篇

頓然爲種民

色景何足過

憫嗟曠劫迷

空中起悲歌

茫茫愛欲徒

不悟當奈何

第二色界真王之章

峩峩無極山

上有飛天宮

羽衛羅億千

我得治其中

朝遊大有庭

丹輿駕靈風

夕歸校錄府

眞仙執瓊編

返神入太空

下觀諸天民

自然浩劫來

身猶染輕塵

未得斷輪轉

安能忘色根

一聞空洞章

合體皆虛明

息念七寶林

濯身天河津

永契皇極道

稽首禮天尊

第三無色界真王歌曰

蕩蕩龍漢

眇眇赤明

皇極主神

無形無名

始立三界

我居其尊

統制一切

攝御眾靈

曠朗諸天

境域四開

緣習未斷

猶有傾隕

乘運促會

得升列真

元始敷化

大演真機

此道堅固

悉入無爲

既悟絕輪轉

大福享爾身

何慮塵沙劫

天地應不傾

靈光散十方

齊爲白玉京

道藏輯要

度人妙經

百

元集五
川上

此三界之上飛空之中真王歌音音參洞章誦之百遍名度南
宮誦之千遍羣真保迎萬遍道備飛昇太空過度三界位登仙
公有聞靈音三官敬形勅制地祇侍衛送迎拔出地戶五苦八
難七祖昇遷永離冥關魂度朱陵超度死生是謂無量普度無
窮有祕上天文諸天共所崇泄慢墮地獄禍及七祖翁
道言此二章並是諸天上帝及神霄玉清真王隱祕之音兆能
誦之見道全體洞入無名得悟證真永斷輪轉皆是大梵之言
非世上常辭言無韻麗曲無華宛故謂玄奧難可尋詳上天所
寶祕於神府東華藏室依玄科應運下傳若有至人齋金寶質
心依舊格告盟三天然後而付焉

道言夫天地運度亦有否終日月五星亦有虧盈至聖神人亦有休否末學之夫亦有疾傷凡有此災皆氣數窮極往來始終輪轉三界諸幻所生同氣皆當齊心修齋六時行香十遍轉經福德立降消諸不祥無量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十過以度屍形如法魂神徑上南宮隨其學功計日而得昇玄不入輪轉便得神仙

道言夫天地運終星宿錯度日月失昏四時失度陰陽不調國境不稔疫毒流行兆民死傷師友命過悉爲有世之患刑傷之災皆當修齋行香誦經眞道內著永斷輪轉超出三界却滅刑

道藏輯要

度人妙經

一百

元集五
川文

災神靈聞之卽當消解夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得爲聖君金闕之臣諸天記人功過毫分無失天中眞王亦保舉爾身得道者乃當洞明至言也

諸天中大梵隱語無量音

元始靈書中篇

東方八天

騃崎禹嶠

元佐句野

河魁杜軍

華侯張化

沙洛維晃

鏹神劉師

勅周靈采

石完天真

陸闢附魂

符驅陰名

祭賚謹戒

護救齊仁

約誠奠私

呼應合倫

意通使捷

丁威昵鄰

南方八天

闔闢谷玄

妙液交瓘

混氣接心

道圓時會

和迫知微

允意洪施

換忽眇漠

立諱德宜

洞清絕往

道藏輯要

度人妙經

三

元集五

介尸端期

邈默外世

天真俯攜

雙路並遷

由夷指馳

歸畢空冲

鬼路幽機

西方八天

祖瑑開宗

氣根霞龍

梵演洞乘

恢化光容

仙露昇格

丹想交封

怪悟異生

水激火攻

壽隱解遙

遵叩祕濛

守嚴修隆

道受普風

隨舉觀代

繼軌述從

善教屏邪

權示玄籠

北方八天

一晶萬瓣

生幾空常

力弊紹新

化代周遷

旋易旺弛

輻轉逸連

昧無動玄

匪知鄙天

泯斬繁職

圓廓獨空

變回實在

圖析來還

曷出俄居

恍字厥如

泮微祈醜

混罔忽規

道言此諸天中大梵隱語無量之音舊文玄都九老仙君以黃
櫨漆液書於劫門帝闕之上至真之人出三界離十方必登劫
門詠中篇以升無形下世末學住生死流居小乘位不誦其文

道藏輯要

度人妙經

三

亢集五

則地官錄其形質天司禁其魂爽取道暗杳不知至玄能味靈
文中池之神告兆無極開大明於慧牖豁見海於定都也字皆
廣長一丈天真皇人昔書其文以爲正音有知其音能齋而誦
之者諸天皆遣飛天神王下觀其身書其功勤上奏諸天萬神
朝禮地祇侍門大勳十真保舉上清道備尅得遊行三界昇入
金門此音無所不辟無所不禳無所不度無所不成天真自然
之音也故誦之致三天下觀上帝遙唱萬神朝禮三界侍軒羣
祇束首鬼精自亡琳琅振響十方肅清河海靜默山嶽香烟萬
靈振伏招集羣仙天無氛穢地無祇塵冥慧洞清大量玄玄也